

Documenta

Documenta in causis Beatificationis et Canonizationis Venerabilis Iacobi Kern, Servae Dei Aemiliae Podoska, necnon Servi Dei Petri Hadriani Toulorge

1. Beatificationis et Canonizationis Ven. Servi Dei Iacobi Kern (in saec.: Francisci Alexandri) sacerdotis professi Canoniae Gerusinae Ordinis Praemonstratensis (1897-1924)

CONGREGATIO DE CAUSIS SANCTORUM

DECRETUM SUPER MIRACULO

Venerabilis Servus Dei Iacobus Kern (in saeculo: Franciscus Alexander) Vindobonae natus est die 11 mensis Aprilis anno 1897. Dum seminarii alumnus erat, ad arma est citus et priori totius mundi bello interfuit, in quo gravi est vulnere affectus, quod causa fuit postea eius mortis. Ordinem Praemonstratensem ingressus, professionem simplicem fecit anno 1921 et ordinationem accepit presbyteralem anno 1922. Cum fervore ministerio pastoralis se dedit, quod breve fuit, siquidem eum valetudo defecit. Post longum acerbumque morbum, cum fortitudine exceptum et tranquilla Dei voluntati obtemperacioni, est praemium aeternum adeptus die 20 mensis Octobris anno 1924.

Fama sanctitatis qua in vita claruit, post mortem quoque duravit; quamobrem Archiepiscopus Vindobonensis anno 1958 initium fecit Causae beatificationis et canonizationis. Die mensis Iulii 11 anno 1995 Summus Pontifex Ioannes Paulus II declaravit Servum Dei Iacobum Kern virtutes theologales, cardinales et his adnexas heroum in modum observavisse.

Beatificationis respectu, Postulatio iudicio Congregationis de Causis Sanctorum coniectam permisit miram sanationem, Vindobonae patratam anno 1971 eiusdemque Venerabilis intercessionis ascriptam. Casus pertinet

ad puerulum Haraldum Krehan, qui, tres annos natus (anno 1970) ostendere incepit varias valetudinis perturbationes, quales astheniam, vomitionem, soporem, aequilibratae amissionem. Post aliquas peculiare inspectiones, diagnosis facta est de tumore in parte cerebri dextra. In sectione chirurgica, effecta die 24 mensis Iunii anno 1971, tumoris solummodo pars visibilis recisa est, qui histologice agnitus est uti medulloblastoma macrocellulare. Ob singularem tumoris malignitatem medici prognosim tulerunt infaustam quoad vitam, affirmantes puerulum non amplius duos annos esse victurum. Idcirco parentes pueruli alique propinqui statim intercessionem Iacobi Kern invocaverunt. Pluries precaturi se contulerunt ad eius sepulcrum et domi quoque eum invocare perrexerunt instanter et cum fiducia. Decem post sectionem chirurgicam diebus medici viderunt vulnus esse sanatum et puerulum se plena cum libertate movere. Deinceps inspectiones clinicae patefecerunt sanationem fuisse perfectam et stabilem.

De casu, miro putato, annis 1991-1992 apud Curiam Vindobonensem instructa est inquisitio dioecesana, cuius auctoritas probata est a Congregatione de Causis Sanctorum per decretum die 20 mensis Maii anno 1994 promulgatum. Dicasterii Consilium Medicorum, in sessione die 4 mensis Iulii anno 1996 acta, edixit sanationem celerem fuisse, completam, stabilem et ex scientia inexplicabilem. Die 24 mensis Ianuarii anno 1997 factus est Consultorum Theologorum Congressus Peculiaris et die 15 mensis Aprilis eodem anno Sessio Ordinaria Patrum Cardinalium et Episcoporum, Causae Ponente Excellentissimo Domino Ottorino Petro Alberti, Archiepiscopo Calaritano. Et in utroque Coetu, sive Consultorum sive Cardinalium et Episcoporum, posito dubio num de miraculo constaret divinitus patrato, responsum est prolatum affirmativum.

Facta demum de hisce omnibus rebus Summo Pontifici Ioanni Paulo II per subscriptum Pro-Praefectum accurata relatione, Sanctitas Sua, vota Congregationis de Causis Sanctorum excipiens, mandavit ut decretum de praedicta mira sanatione conscriberetur.

Quod cum rite esset factum, accitis hodierna die infrascripto Pro-Praefecto necnon Causae Ponente, meque Antistite a Secretis Congregationis ceterisque de more convocandis, eisque astantibus, Beatissimus Pater declaravit: *Constare de miraculo a Deo patrato, intercedente Ven. Servo Dei Iacobo Kern, Sacerdote professo Canoniae Gerusena Ordinis Praemonstratensis, videlicet de celeri, completa et stabili sanatione pueruli Haraldi Krehan a «medulloblastoma al punto di partenza del tetto del 4° ventricolo e con penetrazione nel cervelletto».*

Voluit autem Sanctitas Sua ut hoc decretum publici iuris fieri et in acta Congregationis de Causis Sanctorum referretur.

Datum Romae, die 7 mensis Iulii A.D. 1997

† ALBERTUS BOVONE

archiep. tit. Caesariensis in Numidia, *Pro-Praefectus*

L. † S.

† EDUARDUS NOWAK

archiep. tit. Lunen., *a Secretis*

Cf. *Acta Apostolicae Sedis*, An. et vol. XC (6 Aprilis 1998) N. 4, p. 292-294.

2. **Decretum constitutionis Relatoris in Causa Beatificationis Servae Dei Aemiliae Podoska**

CONGREGAZIONE
PER LE CAUSE DEI SANTI

Prot. N. 1750-6/98

VATICANO, 3 aprile 1998

Il Congresso Ordinario di questo Dicastero, in data 3 aprile 1998 ha affidato al Rev.mo Relatore *P. Pokcinski, S.I.*

la Causa *Cracovien.*
del(la) S. di D. *Emilia Podoska*
(1845-1889)

Pertanto il Postulatore è invitato a presentare allo stesso Relatore il Collaboratore esterno per lo studio della Causa.

Michele Di Ruberto
IL SOTTOSEGRETARIO

[*Sigillum*]

Rev.mo

P. Donato De Clerck, O.Praem.

Postulatore della Causa

**3. Decretum super Validitate Processus Informativi at Inquisitionis
Dioecesanae Suppletivae in Causa Beatificationis Servi Dei Petri
Hadriani Toulorge**

CONGREGATIO DE CAUSIS SANCTORUM

Prot. N. 2046-3/97

CONSTANTIEN.

Beatificationis seu Declarationis Martyrii
Servi Dei PETRI HADRIANI TOULORGE
Sacerdotis professi
Candidi et Canonici Ordinis Praemonstratensis
In odium Fidei, uti fertur, interfecti.

In Ordinario Congressu, die 8 mensis Maii huius anni 1998 celebrato, haec Congregatio de Causis Sanctorum sequens dubium disceptavit, nimirum: «An constet de validitate Processus Informativi et Inquisitionis Dioecesanae Suppletivae, in Curia ecclesiastica Constantiensi et Abricensi constructorum, super vita et martyrio necnon fama martyrii Servi Dei Petri Hadriani Toulorge, Sacerdotis professi Candidi et Canonici Ordinis Praemonstratensis, in odium Fidei, uti fertur, interfecti: testes sint rite recteque examinati et iura producta legitime compulsata in casu et ad effectum de quo agitur».

Haec Congregatio, attento voto ex officio redacto reque diligenter perpensa, rescripsit: AFFIRMATIVE, seu constare de validitate eorundem Processus Informativi et Inquisitionis Dioecesanae Suppletivae in casu et ad effectum de quo agitur. Contrariis non obstantibus quibuslibet.

Datum Romae, ex aedibus eiusdem Congregationis, die 8 mensis Maii A.D. 1998.

† Eduardus Nowak
Archiep. tit. Lunensis
A Secretis

Michaël Di Ruberto
Subsecretarius

4. Decretum constitutionis Relatoris in Causa Beatificationis Servi Dei Petri Hadriani Toulorge

CONGREGAZIONE
PER LE CAUSE DEI SANTI

Prot. N. 2046-4/98 VATICANO, 22 maggio 1998

Il Congresso Ordinario di questo Dicastero, in data 22 maggio 1998
ha affidato al Rev.mo Relatore *P. Daniel Ols, O.P.*

la Causa *CONSTANTIEN.*
del(la) S. di D. *Pierre Adrien Toulorge*
 in odium Fidei... († 1793).

Pertanto il Postulatore è invitato a presentare allo stesso Relatore il
Collaboratore esterno per lo studio della Causa.

Michele Di Ruberto
IL SOTTOSEGRETARIO

[*Sigillum*]

Rev.mo
P.D. De Clerck, O.Praem.
Postulatore Generale
dell'Ordine dei Premostratensi